

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدور .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره هانه

باب عالی جاده سنده ورخان بک خاندده
نومرو ۲۳-۲۶

اخطارات

آبونه بدلی پیشیدور .

§

مسالکه موافق آثار مع الممنونیه قبول
اولنور . درج ایدیلمه یین یازیلر
اعاده اولوغاز .

سراسر

۱۳۳۰

اخطارات

رساله مزدن آلدیغی کورسترمک شرطیله
یتون یازیلر هر هانکی برغزته طرفندن
اقتباس اولونه ییدر .

§

مکتوبلرک ، امضالرک واضح و
اوقوناقلی اولمسی و آبونه صره
نومروسی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک فراسیزده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

والله یهدی من یشاء الی صراط مستقیم

دینی ، علمی ، ادبی ، سیاسی هفته لقی مجموعه اسلامیه در

اتبعون اهدکم سبیل الرشاد

صاحب و مدیر مسئول : ح . اشرف ارباب

جلد ۲ - ۹

۳۱ کانون ثانی ۱۳۲۸

پنجشنبه

۷ ربیع الاول ۱۳۳۱

عدد ۴۹ - ۲۳۱

اسامی کتب	لسان	اسامی مؤلفین	ملاحظات	اسامی کتب	لسان	اسامی مؤلفین	ملاحظات
۱ - السياسة الشرعية في ازمة الاخيرة	(عربجه)	خواجہ محی الدین افندی	مصدره مطبوعه	۵۸ - ترجمہ کتاب الرياسة والسياسة - اخلاق نوالی	(ترجمہ)	(نوالی آقحساری)	یازمه کذا
۳۲ - نظام الدولة	(ترجمہ)	دفتری محمد پاشا	خالص افندی کتبخانه سندھ	۵۹ - تقويم السياسة	(عربجه)		یازمه شهید علی پاشا کتبخانه سندھ
۳۳ - رسالة السياسة	(عربجه)	سلطان بايزيد ثانی نامنه مؤلفدر	یازمه »	۶۰ - تحفة الترك في ما يجب ان يعمل في الملك	(عربجه)	قاضي ابراهيم نجم الدين طرسوسي	یازمه آيا صوفيه کتبخانه سندھ
۳۴ - آصفنامه	(ترجمہ)	لطفي پاشا	استانبولده مطبوعه	۶۱ - علم السياسة	»	امام رازی	یازمه خالص افندی کتبخانه سندھ
۳۵ - دستور الملوك في نصاب الملوك	»	قاضي فضل افندی	۶۲ - اغراض السياسة في علم الرياسة	(فرسجه)	کاتب سمرقندی		یازمه آيا صوفيه کتبخانه سندھ
۳۶ - ترجمة قابوس نامه	»	مرحک احمد	یازمه کتبخانه عموميده	۶۳ - کتاب السياسة في تدبير الرياسة	(عربجه)	احمد البني	کذا
۳۷ - ترجمة منهج السلوك في سياسة الملوك	(ترجمہ)	کشانلی نخبی محمد افندی	استانبولده مطبوعه	۶۴ - نصيحة السلاطين	(ترجمہ)	عالی	یازمه فاع کتبخانه سندھ
۳۸ - اصول الحكم في نظام العالم	(عربجه و ترجمه)	حسن کافي آقحساري بوسنوی	»	۶۵ - نصيحة الملوك ترغيباً لحسن السلوك	(ترجمہ)	صاري عبده افندی	ولی الدین افندی کتبخانه سندھ
۳۹ - ترجمة سياستنامه	(ترجمہ)	شيخ الاسلام عارف افندی	»	۶۶ - مقدمة ابن خلدون ترجمه لری	(ترجمہ)	پیری زاده جودت وصبحی پاشا لری	استانبولده مطبوعه
۴۰ - ترجمة واسطة السلوك في سياسة الملوك	»	کریدی رحمی افندی	ازمیرده مطبوعه	۶۷ - ترجمة خراج ابي يوسف	»	رادوسی زاده محمد افندی	یازمه فاع کتبخانه سندھ
۴۱ - دستور العمل لاصلاح الخلق	»	کاتب چلبی	استانبولده مطبوعه	۶۸ - نصيحة الملوك	»	عبد الجليل افندی	کذا
۴۲ - لایحات	»	قوچی بک - قوجه مصطفی بک	»				

[مانهری وار]

مکتبہ انبیا

هندستانہ محرابہ مخصوصہ

ہند یونانہ

۲۲

حرب حاضرک ہندستانہ کی تأثیراتی

عثمانی - بالقان محاربہ سی تمامیلہ ہلال و صلیب غوغاسیدر - خرسیتانلغک مسلمانلغہ قارشو پروردہ ایلیکی کین و خصومت بومحاربہ سبیلہ آچیقندن آچیقہ اکلاشیلدی . بونقطہ نظری اسکامیان ، یلمیان برتک مسلمان قالمشیدر ، دیہیلیرم . چونکہ بالقان حکومتری ، خرسیتانلری ، وارفوتلرنی بازویہ ویرہرک الارندن کلدیکی قدر - بالقان ممالکندہ ، میدان حربہ بولنسان - مسلمانلر حقندہ ایتدک ظلم و وحشت برافدیلر . سونکولریلہ ، قورشونلریلہ ، اللریلہ ، دیشریلہ ، دیلرلہ ، حاصلی بوتون قوتلریلہ اسلاملری کسیدیلر ، اولدیردیلر ، قادیلر ، چوققلرہ ، اختیارلرہ اصلا مرحمت ایلدیلر . پاپازلری ، دائماسلمانلر علیہندہ عسکرلرنی تمویق وترغیب ایتدکن فراغت ایتدیلر . خرسیتانلرک نہدرجہ متعصب اولدقلرنی کائناتہ اثبات ایتدیلر . فلاکت حاضرہ مزہ متأثر ومتأسف اولمیان کیمسہ قالمشدر .

ہندستاندن بورایہ کلنلرلہ صیق صیق کوروشوب ہند مسلمانلرینک حقمرزدہ کی حسیاتلرنی استفسارواستیعاضاح ایتدکدہم . حرب حاضرک ہندستانہ بویوک وعظیم تأثیرات اجرا ایلدیکنی ہب برآغزدن بکا سویلیورلر .

عثمانیلرک مغلوبیتی حاوی اولان تلغرافلرک ہندستانہ ورودی بالجلہ مسلمانلری قان آغلاتغہ مجبور ایتش و آنلری جامعہ کیدوب فوز ونصرت دغاسندہ بولمغہ مضطر براقش اولدیغنی مخاطبلم بیان ایدیورلر .

اعانہ و یرمکہ ہرکس کندی آرزو و ایستکیلہ اشتراک ایدیور . ہندستانہ کی انکیزلر بکا اصلا ممانعت ایتدیورلرمش ، بونک سببی ایسہ ہند مسلمانلرینک حسیات دینیہلرینہ طوقوغنی کندی اتحاد ایتدکلری سیاست

حاله، شیمی بردن بره بو جنایت عظیمه اثنا سنده هندوایله مسلمانك اتحاد ایتسی جداً جالب نظر دقتدر. مسلمانلرله بت پرستلر آرسته سنده صورت دایمه ده تفیق و شقاق ایله اختلافاتك حصوله چالیشان واک صوکر اوکا اومدیغندن زیاده موفق اولان انکلیزلر بو وقعه اخیره نك صورت حصول و جریاندن قورقورلر. زیرا هند مسلمانلرله بت پرستلری بینده بو کون اولاسه بر قاج سنه صوکره دخی بر ارتباط و اتفاق حقیقی قائم اولورسه، ارتق انکلیزلرک قوجه هندستانده دیکیش طوتدیره میه جقلری بدییدر.

ایکیوز اون میلیون هندو ایله سکسان میلیون اسلامه طار زمانلرده عددجه بر قاج یوز بیکنن زیاده اولیان انکلیزلرک مرام آکلاته بیلملری بر آز کوجه کورونیور. بو ایکی عنصر بینده دیناً، اخلاقاً جاری اولان اختلاف فاندن انکلیزلر بیوک استفاده لر تأمین ایدیورلردی. فقط اختلافات مبحوئه نك زوالیله یرنه وفاق و اتحادك قائم اولسندن البته انکلیزلر متضرر اوله جقلردر. شویله که روسیه، آلمانیک مهاجمات آتیه سنه میدان قالمقیزین انکلیزلر هندستانی ترک ایدوب انکلتزه آله لرینه بتکرار عودت ایتک مجبوریتنده درلر. انکلیزلرک، انکلتزه دولتنک قوام حیاتی، سعادت ابدیه سنی، حیات سیاسی-سنی تأمین ایدن هندستاندر. هندستان الهه قالدقچه انکلیزلر مرفه و راحت یشارلر، زنکین کررلر، مغرور اولورلر. هند الدن کیدرسه انکلتزه حکومتك عظمتی افول ایدر؛ احتمالکه مصرده و افریقا ده کی نفوذی ده آز مدت طرفنده غائب ایدر. مصر نصلکه هندستانك آناختاری کبی تلقی اولنورسه، هندستانك ده مصر ایچون طیبی بر آناختار تشکیل ایتدیکنی هر کس تسلیم ایدر. هندستانك انکلتزه اداره سندن چیقمسی، انکلتزه نك ایران جنوبی ایله ایران کورفزنده کی نفوذیه خانه ویرمی دیکنر.

حاصلی، هندستانده انکلتزه نك نفوذ سیاسی و مادیسنی تأمین ایدن بو اختلاف الیوم اتفاقه تحول ایتکه یوز طومش و انکلیزلرک انظار دقتی جالب اولغه باشلامشدر.

هند مسلمانلری اوزرینه یالکز عثمانیلرک، دها طوغریسی ذات حضرت خلافتناهیك نفوذی واردرکه، بو نفوذ هند مسلمانلری کمال صمیمیت و ارتباطله مربوط بولمقده درلر.

هند مسلمانلری یالکز خلیفه نك اوامر عالییه سنه مطیع و منقاد بولنیورلر. هند ایمراطوری اولان بشنجی جورجك مسلمانلر اوزرنده هیچ بر نفوذ معنویسی یوقدر. بو نفوذی دین مبین اسلامیت خلفای کرامه بخش ایتش و حسن استعمال اولنمیسنی ده تأمین ایشدر. بناء علیه انکلتزه دولتی، انکلیز ملیتی دایماً عثمانیلرله خوش کچنوب اتحاد و اتفاق ایتک مجبوریتنده درلر. خلیفه نك برامری شویله طورسون، اوفاق بر اشارتی هند مسلمانلرینی انکلتزه لهنده بولندیره بیلر. هندستانده وولقانلر، یانغینلر حاصل اولسه، خلیفه نك برامری جمله سنی سوندریمکه کافیدر. هندلیلر نظرنده عثمانی پادشاهی، اسلام خلیفه سی غایت محترم و مقدسدر. مشارایله حضرتلری (واجب تقلید والا طاعه) در. اوامر عالییه سی مطاع و مسموعدر.

بوصورتله، بو وسیله بی الهه ایتکه انکلتزه حکومتی هر آن وزمانده هندستانه صاحب ومالك اولغه مقتدردر. عکس تقدیرده هندستان انکلیزلرک النده قالماز.

انکلتزه، بالغان مسائله نده، بز عثمانیلرله جدی یاردم و معاونتده بولنلیدر که بزده مقابله هند مسلمانلرینه مرام آکلاته.

کچن سنه ایران کورفزنده کاش (عمان) سواحلندن معدود اولان (دی)، (شارجه)، (ابوظبی) سواحلنه عسکر چارمق ایستیان انکلیزلرک نه قدر بیوک مشکلاته معروض قالوب یوز سکسان نفر انکلیز عسکرلرینک عربلر طرفندن اولدیرلرینه سبیت ویردکلیسه باقیلیرسه، انکلیزلرک اوقدر زیاده نفوذ مالک اولدقلمی اثبات ایدر.

بوکانه حاجت! بر قاج آی اول هندستانه برای سیاحت کیتش اولان قادری طریقتنه منسوب بر ذات حقنده هند مسلمانلری نه قدر فضله حرمت ایتدکلمی انکلیزلر رأی العین کوردکاری حاله قورقورلندن برشی سویله.

حاضریه مخالف کوردکارندن ناشی ایتش. بالعکس هندستانده بولنان انکلیزلرده مسلمانلرله برابر مجروحین عثمانیه یه اعانه یه کمال خواهشله اشتراك ایلکده اولدقلمی هندلی مخاطبلرم تأمین ایلدیلر. بو قدرله ده اکتفا ایتیبوب هندوایلی عمومیس طرفندن، مسلمانلرک حسیات دینه لرینک بونا نك صیره ده تخریش و تخریش اولنماسنه بغایت اعتنا ایدلسی لوزی اکیدادفعاتله بر بیاننامه رسمی ایله اکتاتیلمشدر. محاربه حاضره نك دینی بررنك آلامسنه انکلیزلر صوکر درجه چالیشیورلر. هندستانده انتشار ایدن انکلیزجه غزته لر دخی کندی دولترلرله ابنا جنسلرینک مقصدی لایقینه کلا دقلری جهته دایماً عثمانی عسکرلرینک شجاعت و مردلکلی خصوصنده مفصل مقاله لر نشر ایدیورلر.

هندستانك هان هر طرفنده - قصبه و کویلرنده بیله - آچیلان اعانه دفتترلرله، تشکل ایدن اعانه قومیدیونلرینه پاره درج و ایصال ایلکه بالعموم هندلیلر جان آتیورلر.

مسلمانلرله برابر هندستان بت پرستلری - که برهنه، هندولردن عبارتدرلر - دخی اعانه درج ایتکدن چکنمیورلر. هله متینغ، قونفرانس، پروتستولرک حدی، حسابی یوقدر.

بومایده تحصیل ایله اشتغال ایدن وسکز سنه دن بری هندستانده بولنوب، هندلیلرک بوتون اطوار و اخلاق، عرف و عادت لرینه لایقینه کسب و قوف ایدن کر بلا اشرافندن مرحوم نظام العلماء زاده (حمید خان) حضر-ت لرینک - که شو صیره لرده کر بلا یه مواصلت ایتش و کندیسيله برابر کیجه کوندوز بولشمقدهیم - بیاناته نظرأ هند مسلمانلری فوق التصور متبیج بولنیورلر.

بوکا دلیل اولق اوزره فخامتلو (سر آقا خان) حضرت لرینک والده عالیلری (لیدی علی شاه) حضرت لرینک اخیراً بومایده، بومای اعیان و اشرافنک بالجله عائله لرندن مرکب بر اجتماع ریاست ایدوب ایراد نطق ایلرینی بکا حکایه ایتدیلر. اجتماع مذکور آقا خان حضرت لرینک بومایده کی اقامتگاه عالیلرنده وقوع بولهرق، نسوان اسلامیه اجتماع مذکوره باتذکره دعوت ایدلش و بیکلرجه رویه اعانه درج ایتکه موفق اولمشلردر. لیدی علی شاه حضرتلری ایران شهزادکانتدن، غایت محترم و متدین بر خانم اولوب، کمال عفتندن بو آنه قدر، بوکی تشبثاتده اصلا بولندقلری حاله، بوکره حسیات اسلامیه لرینی بکه مدکلرندن ایلک دفعه اولق اوزره متینغ و نطق ایراد ایلشلردر. مذکور اجتماعده بومای والیسی بولنان ذاتک - انکلیزک - حریمی دخی اثبات وجود ایتش و مهم بر مبلغ اعانه درج ایشدر. بو حوادث ایسه طمطراقی و مفصل صورتده بوتون بومای غزته لرینه درج ایشدر.

هندلی، بت پرستلرک حسیاتی دولتی علیه عثمانیه لهنده بولندیغنی حمید خان حضرتلری بکا سویلیدی. حتی مسلمانلردن زیاده آوروپا انریقیه سندن، مظالمندن، استیلای جهانگیرانه سندن بزار اولان هندولر، محاربه حاضره یی برخرستیان - اسلام محاربه سی صورتنده تلقی ایلکده اولدقلمی هند غزته لری عموماً یازیورلر. عثمانی - بالغان محاربه سنک بدایتندن بو آنه قدر هندستان اوضاع اداریه و انضباطیه سیله، طرز سیاستده بیوک تحولات و تبدلات وقوع بولش و اخیراً هندستان والی عمومیسنک بر بومای ایله مجروح اولسيله نتیجه نمشدر. بومای آتاتک کیم اولدینی هنوز تعین و تحقیق ایتامشدر. یالکز بر قاج کیشی بی ظن و شبهه اوزرینه حکومت محلیه توقیف ایشدر. موقوفینک قسم اعظمی بت پرستلردن بولمقده برابر، اسلاملردن ده بر قاج کیشی واردر.

ایستر اسلام، ایستر بت پرستلر اولسون، هر حاله بو صیره ده باش والی قتل ایتک ایچون بومایک آلمسند بویوک بر معنا مند مجدر. بوندن بر قاج معنا استخراج اولنورکه، هیئت مجموعه سی اعتباریله بالنتیجه انکلیزلر ایچون ایلکی احتوا ایتسه کرکدر. اولجه انکلیزلر علیهنده هندستانده وقوع بولان یاخود دها طوغریسی ایقاع اولنان جنایات هپ هندولره منحصر اولوب، مسلمانلر اصلا بوکی تشبثاته اشتراك ایتمیورلردی. بو وقعه ده مسلمانلرک ده ذیمدخل بولنلرندن انکلیزلرک زیاده اندیشه ایدیورلر. چونکه هندولرک تشبثات سیاسی فعلیه لرینه اولجه هیچ بر مسلمان قولاً اولسون اشتراك ایتدیکی

مدیر . روایتی نظر آنکه بومبایه مواصاتی اثناسند . بومبایه قولاً خسته‌نی کمال فعالیت‌ها حکمفرما اولدیغدن ، مذکور خسته‌لک رفع وازاله‌سنه مدار اولق اوزره قادری الطریقت اولان ذاتک آراهه ایله کزدیرلمسیله تدومندن تبرک اولمسنه بومبای مسلمانلری صوک درجه اهتمام ایشلردی . حاصلی ، بونفوذمزدن کرکی الیوم استفاده ایده‌میورز ، نه‌یولده استفاده ایده‌جکمزده بردرلو بیله‌میورز . بونی لایق‌له بیلسه‌ک دائمی انکلیزلرک معاونتی تأمینیه موفق اولورز .

عثمانی مجاهد و شهیداسی ایچون هندستانده فاتحه‌لر اوقونقده وروح‌لرینه نثار واهدا اولمقده اولدینقی مخاطبلم علاوه ایلدیلر . حاصلی بزم لهمزده هندستانده هر درلو حسیات اسلامیه واردر . بزی بزم کبی سویورلر . اسلامیتک ترقی و تعالیسندن امیدوار اوللم ، مأیوس اولیهلم . عقلمزی هر نه زمان دوشیرسه‌ک ینه استقبال بزم اوله‌جقدر . فقط مملکتیمزک اصلاحات مادیه ومعنویه‌سندن غافل اولیهلم .
مخابر مخصوصک

کربلا : س . م . توفیق

نفوذینه مجلوب ایسه‌ده دیگر برقسیمی انکلیز طرفداریدرلر . مسلمانلق و عربلق نامنه حرکت ایدن سوریه‌لی بعض مسلمان پولتیقه‌جیلر ایسه انکلیزلره زیاده‌جه‌میل کوستریورلر . معلومدرکه انکلیز رجال سیاسیه‌سی مقدملری شرق خرسیتیانلرینی وقایه‌نامی آلتنده دولت‌علیه‌نی «اصلاحات» طلیله تضییق ایدرلردی . فقط بر زماندن بری بشقه بر سیاست شرقیه تعقیب ایلدیلر . شوبله‌که آرانوودلره چند سنه مقدم کوسترمکه باشلا . دقلری معهود توجه کبی سوریه وسائر یرلر مسلمانلرینه دخی کوسترمک ایسته‌دکاری لانشیه توجهاات اوسیاست نتایجندندر . یعنی عالم اسلامه وعلی الخصوص هند مسلمانلرینه کویا مسلمانلق حقنده سوء ظنلری بولمیدینی وحقیتده ترک‌لرک مسلم و غیر مسلم کافه عناصره شامل اولان «مظالم وسوء اداره‌لرینه» معارض اولدقلرینی ایناندرمق سیاستی التزام ایلدیلر .

اگر حقیقی عربلر ایله ترک‌لر بر آن اول ال برلکی ایله بوافساداتی حکمدن دوشورمکه جدی و متعادی بر غیرت کوسترمزلر ایسه امت محمد آسیای عثمانیده دخی بیوک فلاکتله اوغرار .

سوریه‌ده عدم مرکزیت برده‌سی آلتنده براداره وضعی ترویج ایدنلرک دولت عثمانیه نفوذینی حجاز ویمندن قطع ایله اوغراشان بر دولته آلت اولدقلری آکلاشیلدی . فقط آکلاشیه‌میان برشی وارسه‌اوده خدیو حضرتلرینک سراینه مروج افکار اولدینی معلوم بولان المؤید غزته‌سنک ترک‌لره و حکومت جدیدۀ عثمانیه قارشى آلدینی وضعیت بدخواهانه و غرضکارانه‌در . المؤیدی اداره ایدنلر عزیز دیرلر . فقط طمارلرنده بردامله بیله خالص عرب قانی یوقدر . مسلماتر دیرلر ، لکن دولت عثمانیه‌نک شو دور مشکلاتنده کوستردکاری آثار نفاق وشقاقی استقلال اسلامک اک بیوک دشمنلری انجق کوستره‌یلورلر . اگر خدیو حضرتلری کرک بوراده‌کی مفسد مرآتیلرک اغوالرینه و کرک مسلمان ملتلی بای تحکم آلتنده بولندیرمقله مشغول اولان بر خرسیتیان دولک تشویقاتنه اینانوبده حقیقتاً اکتساب استقلالیت وخلافتک امکانه ذاهب اولورلر ایسه یوز بیک کره یازقلر اولسون . چونکه اوکی تصوراتدن بر نتیجه چیقه بیلورسه اوده علی العموم مسلمانلرک وبالخاصه ذات فحامتسات خدیوانه‌لرینک متضرر ومایوس اوله‌جغیدر . خالص مصرلی مسلمانلرک دولت عثمانیه حقنده کی محبتلرینه رغماً درت بش آیدن بری مضر بر طاقم ارباب دسائسک دولت عثمانیه وخلافت اسلامیه علینده‌کی نشریات واجرا آتیه بر مرکز اتحاد ایدلمشدر . حکومت جدیدۀ عثمانیه‌نک بو حاله نظر دقتی جلب اولتور .

شیون

اسلامک بو کونلکی حال و موقعی . — مسلمانلر انقراض یوللرینی طوتدیلر : هر شیئی بر افرق بریرینه دوشدیلر ، سحاب نفاق بتون آفاق مملکتی صاردی ؛ محیط خلافت آزیچی ، بوغوجی بر ظلمت ایچنده قالدی ؛

بعض حقایق . همه

استانبولده بولنان مصرلی برذاته قاهره‌ده‌کی دوستلردن بریسی طرفندن یازیلان عربجه بر مکتوبدن بیانات آتیه اخذ وترجه ایدیلرک بورایه درج اولندی :
« بوراده حمیت اسلامیه صاحبی اولنلر سوریه وعربستان اصلاحاتی نامی آلتنده استانبول غزته‌لرینک برنده‌کی فقرانه تعجب و تأسفله دقت ایلکده درلر . فقرات مذکوریه اوغزته اکثریت اوزره بیروتمه وقاهره‌ده خرسیتیان سوریه‌لیلر طرفندن عربجه نشر اولنان جراندن آلور و آنلر اوزرینه ردیه‌لر یازمق شوبله طورسون اقتباسلرنده بر طرز مروج اتحاد ایلور . سبحاناه . وحدت عثمانیه علینده دو . ندرلمکده اولان دولابله صورت حقدن کورینه‌رک وساطت ایلنلر نه‌قدردنه چوقمش . دولت عثمانیه‌نک بالقان محارباتی سببیه دوچار اولدینی فلاکتلردن استفاده ایتک ایسته‌یلر یالکزر آوروپاده موجود دکدر . شرقده دخی آمال خسیسه‌سی اویانانلر چوغالیدی . مصر بو کونلرده قوم عرب حقنده تصوراتده بولنانلرک تشبثانه جولانکاه اولمقده‌در . بعض کیمسه‌لر مقام خلافتک بشقه یرلره نقلی سوزلریله اشغال ذهن ایلکده و بعض کیمسه‌لرده عربستانده استقلالیتلر تشککندن وسوریه‌ده عدم مرکزیت ودها طوغریسی مختاریت تطبیقندن بحث ایتکده‌درلر . حقیقتی لایق‌له اوکره‌نه بیلمش اولسه‌لر حقیقی عربلر وحتی سوریه‌نک خالص مسلمانلری بیله عربلق نامنه علناً اصلاحات طلب ایدن وبوسیه ایله تهییج افکارده بولنان بر طاقم ساخته‌کار پولتیقه‌جیلرک تشبثلرینی حکمدن اسقاط ایده‌یلور . چونکه صورت حقدن کورینن بو یانغره‌جیلرک آثار سوء ضعیفه‌لرندن ینه اسلاملر متضرر اوله‌جقدر . لکن آه جهالت وصافلق . جهالت طائنده بر منفعتپرست مفسدتک باشنه برملیون صاف یورکلی مسلمانانی اوسته‌لقی صورتده بلالره ، فلاکتله اوغراده‌یلور .

مصرک عربجه غزته‌لرینک قسم کلیدی سوریه‌لیلرک تحت مراقبه وتحریرلرنده‌در . علی الخصوص الکچوق سوریلنلری بیروتلی وجبل لبنانلی خرسیتیانلرک التده‌در . بو خرسیتیان سوریه‌لیلرک برقسیمی فرانسه‌